

عمري ماشفت جمالك



أنا عمري ماشفت جمالك
ودلائك مش على حد

دانا قلبى وقع في غرامك
والشوق دوينى بجد

وباحس بدقة قلبك
لو كنت كمان على بعد

أنا عمري ماشفت جمالك
ودلائك مش على حد

.....

الشعر حرير بيهفهف
وحدودك لونهم ورد

وعيونك صافية وناعسة
بتأخذني إليك واتشد

و شفائيك لما بتضحك
باشعر بقدوم السعد

وكلامك زي السكر
بيكون أحلى من الشهد

ولما تقولي بحبك
باتلخبط أنا في الرد

ماهو أصل جمالك يروش
قدامه ما بقدر أصد

أنا عمري ماشفت جمالك
ودلاك مش على حد

.....

ياعزيزة ومهرك غالي
وعليك العين والقصد

أهديك مهرك عمري
واحلفك اصون العهد

وأشيلك جوه عيوني
ويكون لك قلبي المهد

أنا عمري ما شُفت جمالك
ودلائك مش على حد

دانا قلبى وقع في غرامك
والشوق دوبيني بجد